

Na osnovu člana 4. Pravilnika o nagradama u oblasti nauke u Bosni i Hercegovini za uspjehe na međunarodnom planu („Službeni glasnik BiH“, broj 87/16) Ministarstvo civilnih poslova Bosne i Hercegovine, objavljuje

KONKURS

za dodjelu Nagrade u oblasti nauke u Bosni i Hercegovini za uspjehe na međunarodnom planu

I. Predmet konkursa

Predmet konkursa je dodjela Nagrade za izuzetne uspjehe na međunarodnom planu u oblasti nauke u Bosni i Hercegovini (u daljem tekstu: Nagrada za nauku) za 2016. godinu.

Nagrada za nauku dodjeljuje se naučnom radniku državljaninu Bosne i Hercegovine ili naučnoistraživačkoj instituciji iz Bosne i Hercegovine za izuzetno uspješan rad u oblasti nauke i izuzetno ostvareni rezultat/e na međunarodnom planu, pri čemu se uzima u obzir izuzetno naučno ostvarenje, te doprinos razvoju i popularizaciji nauke i prezentiranju Bosne i Hercegovine na međunarodnom planu.

II Pravo na podnošenje prijedloga za dodjelu Nagrade za nauku

Pravo na podnošenje prijedloga za dodjelu Nagrade za nauku imaju: akademije nauka i umjetnosti, univerziteti, naučnoistraživački instituti, kao i pojedinci, preko ministarstava nadležnih za nauku i Vlade Brčko distrikta Bosne i Hercegovine.

Jedan predlagač može dostaviti prijedlog samo jednog kandidata.

III Procedura

Prijedlog za dodjelu Nagrade za nauku sa pisanim obrazloženjem dostavlja se ministarstvima nadležnim za nauku i Vladi Brčko distrikata Bosne i Hercegovine koji iste prosljeđuju Ministarstvu civilnih poslova BiH.

Uz pisano obrazloženje dostavljaju se sljedeća dokumenta:

- a) biografija kandidata,
- b) uvjerenje o državljanstvu kandidata,
- c) rješenje o registraciji (ako se radi o instituciji),
- d) podatke o djelatnosti kandidata i ostvarenjima i dostignućima u nauci i istraživanju na međunarodnom planu.

Uz prijedlog, predlagač dostavlja originale ili ovjerene kopije dokumenata iz kojih se vide postignuti rezultati.

Prijedlog se neće uzeti u razmatranje ako:

- a) dokumentacija nije potpuna,
- b) prijedlog nema obrazloženja,
- c) predlagač dostavi prijedlog za više kandidata

Nagrada za nauku se može kandidatu dodijeliti samo jednom.

Ministarstvo prijedloge dostavlja Vijeću za nauku Bosne i Hercegovine najkasnije 20 dana od dana zatvaranja konkursa.

Prijedloge pristigle poslije isteka roka konkursa Vijeće za nauku Bosne i Hercegovine neće razmatrati.

Vijeće za nauku Bosne i Hercegovine na posebnim sjednicama razmatra pristigle prijedloge i utvrđuje konačan prijedlog za dodjelu Nagrade za nauku.

Vijeće za nauku Bosne i Hercegovine će u roku od 90 dana od dana prijema prijedloga utvrditi konačan prijedlog o dodjeli Nagrade za nauku i isti dostaviti ministru.

IV Dodjeljivanje Nagrade za nauku

Nagrada za nauku dodjeljuje se u obliku plakete i novčane nagrade.
Nagrada za nauku dodjeljuje se jednom godišnje.

Visina novčane nagrade za nauku iznosi deset prosječnih plata u Bosni i Hercegovini iz prethodne godine.

Rješenje o dodjeli Nagrade za nauku donosi ministar civilnih poslova na osnovu konačnog prijedloga Vijeća.

Ministar dodjeljuje Nagradu za nauku na posebnoj svečanoj sjednici.

V Rokovi

Javni konkurs ostaje otvoren 30 dana od dana objavljivanja u "Službenom glasniku BiH".

Nakon isteka roka prijedlozi se neće uzimati u razmatranje.

VI Način dostavljanja prijedloga

Prijedlozi sa navedenom dokumentacijom dostavljaju se u zapečaćenim kovertama, neposredno ili putem pošte preporučeno, na adresu Ministarstva civilnih poslova Bosne i Hercegovine, Trg Bosne i Hercegovine broj 3, sa naznakom za «Javni konkurs za dodjelu Nagrade u oblasti nauke u Bosni i Hercegovini za uspjehe na međunarodnom planu» za 2016. godinu. Nepotpune i neblagovremene prijave, kao i kopije tražene dokumentacije koje nisu ovjerene neće se uzeti u razmatranje.